

重錄總校官侍郎日高拱

學士臣胡正蒙

分校官侍讀臣呂芳

書寫儒士臣楊嗣成

圖照監生臣薛洲

日歐陽卿

永樂大典卷之一萬二千七十二

二十有

酒 鄉飲酒儀

句容新志鄉飲酒禮洪武十年禮部為講究禮儀事內一件鄉飲酒禮連到圖式該每一歲孟春正月孟冬十月二次行鄉飲酒禮以一百家為一會如百家內有糧長者以糧長為主席如無糧長者以里長為主席一百人內以最長者為賓其餘各依年齒序坐仍選一名通文字者讀律讀畢入席坐定飲酒不許把盞所用酒餚一百家內從儉共辦毋致奢靡府州縣所在有司官與學官率士大夫之老者行鄉飲酒禮務在恪遵成憲不作非違自

京師為始天下咸取則焉其儀參酌唐宋之制次第頒行凡讀律大都督府將犯事軍官罪名編類成書名曰申明誠諭在內各衛親軍大都督府寫犯事軍官罪名編類成書名曰申明誠諭在內各衛親軍指揮使司在外指揮使司凡鎮禦軍官每月初一日率僚屬讀之使衆人皆知所警誡不敢有犯刑部將天下犯事人民罪名編類成書亦名曰申明誠諭在內應

天府及直隸府州縣。在外各行省所屬府州縣及里社。每歲行鄉飲酒禮。讀律則取申明誠諭讀之。使衆人皆知所警誡。不敢有犯。見律令允鄉黨序齒及鄉飲酒禮。已有頒行定制。違者笞五十。朱子語類明州行鄉飲酒禮。其儀乃是高仰崇撰。如何不曾看着儀禮。却只將禮記鄉飲酒義做這文字。似乎也編入國史實錄。果然是貽笑千古者也。儀禮有拜迎。拜至。拜送。拜既。拜迎。謂迎賓拜。至。謂至階拜。送。謂既酌酒送酒也。拜既。卒爵而拜也。此禮中四節如此。今其所定拜送。乃是送客拜兩拜。客去又拜兩拜。謂之拜既。豈非大可笑。禮既飲。左執爵祭脯醢。所以左執爵者。謂欲用右手取脯醢從其便也。他今却改祭脯醢。作薦脯醢。自教一人令在邊進脯醢。右手自無用。却將左手只管把了爵。將右順便手却縮了。是可笑否。賀孫紹興初爲鄉飲酒禮。朝廷行下一儀制。極乖陋。此時乃高仰崇爲禮官。看他爲謹終喪禮。是然有許多文字。如儀禮一齊都考得子細。如何定鄉飲酒禮。乃如此疎繆。更不識着儀禮。只把禮記鄉飲酒義鋪排教人行。且試舉一項。如鄉飲酒文云。拜至。拜洗。拜受。拜送。拜至。乃是賓升主人作階上。當楣北面。再拜謝。賓至堂。是爲拜至。主人既洗酌。卒洗升。賓拜洗。是爲拜洗。主人復爵實之獻賓。賓西階上拜。是爲拜受。若拜送。乃是賓進受爵。

主人阼階上拜。如今云送酒，是為拜送爵。賓復西階上位。方有拜告旨，拜執爵反酢主人之禮。他乃將拜送，作送之門外再拜為拜送。門外兩拜了，又兩拜為拜既。不知如何恁地，不予細拜。既爵亦只是堂上禮。又曰：古禮看說許多節目，若甚煩縟，到得行時節，只頃刻間可了。以舊時所行鄉飲酒看之，然見得不費時節。又曰：開元禮然可看，唯是五禮新儀全然不是。是當時要做這文字時，不曾用得識禮底人。只是胡亂變易古文。白撰全不考究。天子乘車，古者君車將駕，則僕御執策立於馬前，既效駕，君雖未升，僕御者先升，則奮衣由右上，以君位在左，故避君空位。五禮新儀却漏了僕人登車一項，至駐車處，却有僕人下車之文。這是一處錯。他處都錯了。又云五禮新儀固未是，至如今又皆不理會。如朝報上云執綏官，則是無僕人之禮。古者執綏，自是執綏。僕人乃是受綏。如何今却以執綏官代僕人？兼古者有敬事則必式，緣立於車上，故憑衡式，則是磬折，是為致敬。今却在車上用椅子坐，則首與前衡高下不多。若憑手，則是傲慢。這般所為，都不是。如所謂僕人，乃立車柱之外後角，又恐立不住，却以采帛繫於柱上，都不成模樣。兼前面乃以內侍二人立於兩旁，是大非禮。同子參乘爰緣變色，豈以內侍同載，而前後皆安之，眼前事纔粘一件起來，勘當着。

所在。便不成模樣。神宗嘗欲正此禮數。王安石答以先理會得學問了。這般事。自有人出理會。遂止。如荆公門人陸農師。自是然能考禮渠後來却自不用他。又曰。婦人之拜。據古樂府之出門長跪問故夫。又云。直身長跪。余正父云。周禮有肅拜。恐只是如今之俯首加敬而已。不知夫人如何喪禮。婦人如舅之喪。則跪拜。於他人。又不知其拜如何。古禮殘闕。這般所在。皆無可考。四明志。鄉飲酒禮。歲旦至日。郡守率鄉士大士奠于先聖。如序拜於堂上。少長就序。皆記禮之舊。紹興七年。郡守仇愈復舉故事。置田百有六畝以益之。後郡人林保登朝。取式以奏。遂行。他郡故事。糾儀二人。鄉監郡守爲之。士族不齒於鄉者。不預入門。則糾儀舉笏以却。繇是人各自勵。鄉飲酒禮。不可廢若是。鄉飲酒禮記。乾道五年。春。王正月己未。太守張公率鄉大夫釋菜。序拜于郡庠禮也。明之爲州。士風純古。凡歲之元日冬至。必相與謁先聖先師。而後以序拜於堂上。行之久矣。建炎末。學火于胡。自是禮廢不講。紹興戊午。郡將徽猷閣待制仇公一新之。學成復舉故事。益以酒三行之禮。二年。仇公被命復來。乃以田百有六畝支其費。伯庠是時備員學官。蓋嘗紀其事矣。三年。朝廷頒鄉飲酒義於天下。行之數年。雖旨格不行。州縣猶聽其便。以故明年序拜如初。而仇公所撥之田移

以養士。酒禮遂輟。乾道三年。祕閣張公來守是邦。政成多暇。問知其所。以越明年。以鄞及昌國兩縣沒官之田。二百六十畝。山地二百四十九畝。盡歸之學。以復序拜酒行之禮。受藏受用。一切趣辦。而有司不預焉。是日也。教授率三先生侑坐。獻酬於守倅。禮成拜既。風動千里。草不砥礪。澡濯期。母負賢太守。敦教化。厚風俗之美意。嗚呼盛矣。天下之事。固有若緩而急者。或謂州縣之責。簿書期會之為故。而禮非所先。蓋亦未之思也。人皆有欲。欲斯有爭。視聽言動之間。以禮自防。而不流不逸。則乖爭陵犯非僻之心。無自而入。公今禮成於一日。而長幼尊卑之分。昭然可見。皆率服之故。能不令而行。政平訟理。其視切切於求米鹽細故。而日不暇給者。固有間矣。其可不書。以告來者。因以田之畝步四至。刻之碑陰。奉化鄉飲酒禮。鄉飲酒古禮也。近世曠而不行。至大四年正月。初五日。判官程時敏。依奉肅政廉訪司分司趙副使省會事。理於儒學。講行斯禮。禮畢。各為歌詩。以記之。赤城續志。鄉飲酒。吾邦鄉飲酒。始行於紹興十二年。張守侑。王賓介。僕會坐者。總九百二十有三人。謝滁守升俊為之記。淳熙九年。唐守仲友行之。六十者坐。五十者立。十一年。熊守克又行之。少長咸坐。總數百人。嘉定四年。黃守當服深衣入學。率郡僚寓士與職事齋主會坐於明道堂。命

知經學者登座講書酒五行而罷嘉定十七年姜郡教容奉王守挺之命與陳侍郎廣壽王總卿鉉合議率居此寓此大夫士於元旦會明道堂講禮拜禮酒三行而罷溫州府志鄉飲酒紹興二十六年張守孔成行鄉飲禮仍褒宋之翰劉愈等紹熙四年孫守楸行鄉飲禮及褒蔡執中行義饋羊酒嘉定三年十月楊守簡慈湖先生到任簡乃象山先生陸九淵之高弟象山與晦庵朱先生論辯不合門人各主其師說簡既至任郡儒皆避去唯州學徐教授鳳不可去簡視象三日謁夫子廟畢即升堂請教授開講徐鳳方陞座言子曰簡即前揖請講子曰二字鳳即應聲曰子而不曰小子何述曰而不曰子異端邪說語未既簡改容謝之握手若平生歡仍詢郡諸名儒何為見棄而遠避遣書敦請就學行鄉飲禮及來訪士民孝友睦姻敬敏任恤者加禮焉至元二十七年李守彙兄赤脣路學冬十月講行鄉飲酒禮守二僚屬教官儒士俱深衣幅巾路吏皆方巾素衣紫紳皂鞋司縣吏及路典吏並方巾素衣褐紳皂鞋執事一之日行舍菜禮二之日行鄉飲酒工歌奏樂三之日始行燕禮而罷

皇朝省部降到鄉飲酒圖式 一府州縣所在有司與學官率士大夫之老者行鄉飲酒禮自

京師爲始天下咸取則焉其儀參酌唐宋之制次第頒行一里社每一歲孟春正月孟冬十月二次行鄉飲酒禮以百家爲一會如一百家內有糧長者以糧長爲主席如無糧長者以里長爲主席一百人內以年最長爲賓其餘各依年齒序坐仍選一名通文字者讀律畢入席坐定飲酒不許把盞所用酒饋一百家內從儉供辦毋致奢靡洪武十年郡守任敬率僚屬就郡庠集四邑士大夫之老者行之新定續志鄉飲古者黨庠術序鄉飲有常後乃視爲曠典雖名都大藩或百載不一舉況於嚴子亦越名侯相望思美教化用能酌時之宜爲之損益以無忘古意焉故特書之紹興間知州蘇簡行鄉飲禮成有詩示諸生刻于學嘉定戊寅知州鄭之悌行鄉飲於貢院會者千餘人郡人詹良爲賓淳祐壬寅夏四月癸丑朔知州王佖行鄉飲於貢院會者千餘人錢時爲賓明日時詣學講書有紀事一卷校官桂錫孫爲之序寶祐甲寅知州李鏞修學告成秋七月辛丑朔會衆于先聖先師祀畢升堂講書因酌諸生會者一百餘人景定辛酉今侯錢可則以正月甲午會衆于先聖先師祀畢序拜齒飲會者五百有十人郡人黃巖爲賓推高年者爲老飲畢饋老以幣有紀事一卷校官鄭珪爲之序學所以明人倫也古者黨有庠術有序鄉有學鄉飲

之儀。歲一行於黨。再歲行於州。三年一行於鄉。人倫之化。無特而不明也。世降而下。至迺視爲曠典。今嚴爲輔邦。土儉俗貧。結菟符者。率支補不給。菟墜舉逸尤弗暇。蓋自士寅之後。寥寥至今。景定初元。東嚴先生來宣天子德意。政教並行。人士胥悅。游刃之下。不見肯綮。先立春數日。戒學宮。飭舊典。其以改歲之二日。釋菜于先師。爰命邦人。序邦齒餘。庶昭學校。明人倫之意。珪稟承未幾。先生即以成式來示。居敬行簡。井然有條。即事之日。先生率郡僚。延三老質明。咸集登降。有度獻酬。有文尊老。有餽仁義之氣藹如也。耆耄在右。怡怡愉愉。俊秀在列。肅肅雍雍。顧瞻敬嘆。莫敢踰越。信哉學之。所以明人倫也。矧是邦人士。夙陶宣公成公之化。二公有祠。與學同久。今儲君以歲上元。奠謁于膠庠。首躋二公於從祀之列。而先生又以儲郎之戚。相門之英。來修二公之化。以嘉惠儲君之治鎮。道脉國脉。相爲無窮。先生致澤之規模。其殆昉於此矣。邦人士德先生之意甚厚。鄉飲酒制。紹興頒降禮式。奉行國子監牒。奉尚書禮部符。奉都省批。送下部狀。據國子監申勘會。昨承紹興十三年四月六日。初中書門下省。送到禮部狀。奉都省批。送下比部郎中林保釗。子爲理會。已將鄉飲酒儀制。鏤板通行郡國等事。後批。送禮部看詳。申尚書省。尋行國子監看詳。去後。

據本監申勘。已降今年二月二十二日指揮諸路舉人。雖不住學而兩預州縣釋奠。及齒于鄉飲酒禮者。本學次第委係教授審實。由州聽取應。今比部郎中林保所具修定鄉飲酒規範儀制。乞遍下郡國。本監看詳。雖合頒行。緣昨來明州討論。叅酌上件儀制。似更詳備。如蒙朝廷旨揮。依本官所請。即乞行下明州。取索紹興十二年春。已行儀制。與今來林保所具規式。叅酌鑠板。遍下諸路州縣。遵依奉行。更合取自朝廷指揮。本部今看詳。欲依國子監所申事理施行。更合取自朝廷指揮。申聞事。仍連元狀。四月六日。奉聖旨。依禮部看詳到事理施行。本監尋下明州。取索到累年已行儀制。與林保所具規式。叅酌條具。如後符州施行。州牒學請詳行在。國子監牒內。備坐聖旨指揮。遵依施行。仍關合屬去處。

鄉飲酒禮 主州以郡守。縣以縣令。位於東南。賓擇鄉里寄居。年德高民。致仕者為之。位於西北。僕州以通判。縣以丞。或薄位。於東北。介以次長。位於西南。三賓以賓之次者為之。位於賓主介僕之後。又設郡僚之位。東西相鄉。其餘仕與未仕者皆以齒序。位於兩廊。司正以眾所推服者為之。相及贊以士之熟於禮儀者為之。先一日設樽壘爵洗各如奠謁之儀。又於庠序之廊主賓主介僕三賓之次。又設席於堂下。凡鄉之仕與未仕者以齒序立。又設席於庠門之外。自堂下各以序行立於庠門外之席。贊明主人率賓以下。先釋菜于先聖先師。退各就次。以俟速賓。門外速賓。官主以下各就次。候鳴鼓。相者引賓介以下。序立于庠門之外。北面東上。相者引主人出次。僕從至庠門外速賓。賓介少前。主人立于門左。西鄉。賓介進立于門右。東鄉。贊者立于中。唱曰。主人拜。賓介以下答拜。主人揖。賓及介。賓介以下皆揖。主人先入門左。僕從賓揖介亦入門左。介揖眾賓皆入門左。贊者先之。相次之。序賓再拜。主人與眾賓三揖。僕門一揖。殿廊一揖。時下階一揖。皆贊者唱之。至堂下升階三避。主人先升。阼階僕從立。楣下賓趨升。西階介從三賓亦升。自西階並立。楣下各南面。司正亦陞自西階之上。東鄉。教授升自東廡。立于東階之上。西鄉。郡僚分立兩廡。眾

賓東西相鄉立于堂下贊者唱曰賓主以下皆再拜祭酒啐酒拜訖
相者引主人詣壘洗所盥手洗爵詣樽所酌酒如釋奠儀僕從復至作階
祭酒啐酒嘗酒也奠爵訖主獻賓受相者少立主人再詣壘洗所洗
解飲賓解也至酒樽所酌酒實解授執事者至賓席前西北鄉立執事者
分立直解者立主人之左直脯醢者立于右次引賓自西階趨就席主人
跪左執解飲賓拜一拜跪受飲醢主人答拜一拜先興執事者右薦脯醢
賓受訖興主人退就席立僕亦就席立賓酬主人相者引賓詣壘洗
如主人儀至主人席前東南鄉執解飲主人主人拜跪受飲醢薦脯醢賓
答拜如主獻儀主人酬介相者引主人再詣洗所洗解飲介解也酌
酒如前儀至介席前次引介自西階趨就席主人飲介如飲賓儀主人復
退就席介酬衆賓相者引介詣洗所如賓儀介洗三解飲三賓也至衆賓
之長席前相者引衆賓之長自西階趨就席介跪勸如賓儀衆賓之長跪
受立飲復位次引賓一人至席前飲如前儀退又引次賓一人至席前介
飲亦如之並復位訖介至堂下迎揖衆賓就席注云主人先就席僕從次
賓就席介從三賓教授司正各就席次郡僚就席次衆賓各就席並相者
引之贊相及執事者各就席在堂上者升在兩廡者各就位修爵無筭

賓主以下坐訖酒三行每酒一行主人揖賓及介介揖衆賓並禮生唱之請主沃洗卒飲贊者詣主人席前唱曰請主人沃洗相者捧觴詣洗所訖直洗者亦跪受立飲訖各就位司正揚觴贊者詣席前唱曰主人以下皆興執觴次引司正出位立贊者曰請司正揚觴次引司正取主人觴詣洗所洗觴至席前跪而揚觴訖贊者請司正致詞司正乃言曰古者於旅也語於是古道仰惟朝廷率由舊章崇尚禮教今茲舉行鄉飲非專爲飲食而已凡我長幼各相勸勉忠於國孝於親睦於閭門外比於鄉黨胥訓吉胥教誨無或愆墮以忝所生贊者曰脩爵訖司正復位主人以下復坐拜送賓介相者引主人興復至阼階楯下僕從賓介復至西階楯下立三賓亦復至西階立並南鄉教授復立東階西鄉司正復立西階東鄉郡僚復至西廡衆賓立于堂下東西相向立贊者唱曰主人拜賓介以下皆再拜拜既而退拜訖賓介與衆賓先自西趨出主人少立自東出賓介以下立于庠門外之左東鄉北上主人立于庠門外之左西鄉僕從贊者立于中唱曰主人再拜賓介以下皆拜逡巡而退領行約束一無士行者不得齒於鄉飲酒之列一置鄉飲酒年齒簿以所生年月日先後爲次一輪詣本鄉士大夫老成者與州學教授司

正主其事。其所立賓及僎介並與主人謀之。隨宜潤澤之。一合赴鄉飲人。年七十以上者。教授同掌禮官。其書以禮專請之。五十以上。及有官者。以咨目列位請之。其餘士人各自具年甲。報本學編排位次。十九歲以下。並侍立。曾得解者許坐。父在坐。則子侍立。有官者別席。七十歲以上。免拜。一鄉飲。所須飲食器具。端請鄉之士大夫有力者。各備十位。力可倍者。倍之。一行禮有期。而有疾故不能赴者。前期具狀免。擅自不至者。除其籍。一不係學籍。及不齒于鄉飲酒者。不得稱進士。一應赴鄉飲人。有犯僭傲戲玩。爭訟誼諱等。並依學規行罰。有犯正條者。送所屬。仍除其籍。宋洪文安公集。漢詔郡縣行鄉飲酒禮頌。漢顯宗承中興之緒。重熙而累洽。稽古禮文之事。雅垂意焉。自初踐阼。日不暇給。而規模宏遠。未嘗不以教化爲大務。遂班時令。祀明堂。登靈臺。臨辟雍。講養老大射禮。二年三月。詔郡縣行鄉飲酒于學校。祀周公孔子。於是海隅徼塞。四方萬里之外。莫不知所本。嗚呼盛矣。鄉飲。王化之基也。先王經之以天地。紀之以日月。參之以三光。立爲賓主介僎。三賓以象之。獻酬揖遜。揚解沃洗之禮定。而貴賤明。隆殺辨。和樂而不流。弟長而無遺。安燕而不亂。此三代極治之時。大備之制也。世衰道微。禮壞莫覩。漢興蓋二百四十有八年。始克達于天下。豈

非盡美之事。湏其久而後有成歟。夫東人之所以傲西賓者侈矣。而獨無一言以及茲。敢擬拾陳迹。作爲頌詩。十有二章。聲之康莊。以揚漢德於不朽。詩曰。天生蒸民。曷其有識。維聖摩勵。規閑矩矱。陽禮教遊。語誓上儀。降周迄秦。渙浥弗貽。斤斤顯宗。黼黻王度。三宮孔陽。精意治具。爰勅方國。禮行于鄉。稽經誅律。屬民橫堂。先聖嚴嚴。拜跪薦祭。冠纓革革。鱗差櫛比。迺建庫門。迺潔東榮。賓主僕介。堪輿是程。望流解揚。必畏位辨。已事而竣。不誠用勸。詠仁蹈德。駸駸措刑。馬奔千載。薰爲太平。乾清坤夷。軒豁呈露。萬祥畢臻。登三咸五。昔在建武。大聖載營。有臣曰湛。示我漢行。緜範無傳。莫克用。各執播其馨。孝明是似。允哉帝德。侯其偉而。矢詩不多。維後之詒。馮縉雲先生集答于守論備員介僕書。某伏承郡庠。奉明詔。行鄉飲酒禮。蒙不鄙固陋。遭州學職事。下致書疏。使備介僕之位。夫鄉飲酒。堯舜三代之禮。聖時丕平。方追述帝王盛致。以幸斯世。今獲參奉耆德。周旋揖遜之間。不勝大願。然有愚慮。仰恃高明。布之德覽。某竊惟鄉飲酒。所以叙秩畏。紉使民知尊長養老。入孝弟成教化之具也。故六十者坐。五十者立侍。以聽政役。六十至九十。遵立有加。恭之爲郡。固狹陋。然六十五十而上。士之躬服仁義孝悌有聞者尚多。某年未五十。遽使加於有年德者之上。似於禮

意不合某躊躇彷徨。重違盛旨。用是詳味禮記經傳之文。求可以拜命者。至于再三。而不可得。孔穎達之說曰。鄉飲酒禮。賓賢能。則用處士爲賓。其次爲介。其次爲衆賓。皆以年少者爲之。經無以年少爲賓介之文。而孔氏敢爲此說者。蓋賓禮賢能。理必取夫未仕者壯者老者則既仕矣。已嘗賓禮之矣。今茲獨以進賢爲主。詩所謂序賓以賢者是也。宜其以年少爲之。雖均鄉飲酒。而其用則異。至於釋六十五者之文。則以爲正齒位之禮。然則方其賓賢。以賢爲序。年齒在所不論。方其序齒。以齒爲序。賢固在其中矣。今者郡學所行。賓賢邪。某已嘗再命於朝。非處士也。序齒邪。則宜據經傳取六十五而上者。今使卑凌尊。少加長。非惟於禮意不合。抑亦奉行詔書有所未當。某比方除喪。未嘗復讀鄉飲酒禮書者。今因革損益之宜所未及知。然料其大畧。必本經傳無大同異。使某備衆立侍。以聽政役。敢不疾趨承命。遽加之介。僕之間則未敢拜賜。某伏聞消辰在邇。恐遠城府。不即奉教。已齋沐。伏近郊次。傾聽明訓。乃敢進。冒瀆恐懼不宣。